

Auß dem :iegsten Capitel ist's offenbar / das er am ersten ge
sehen ist worden / nach dem himel der vesten stern / darinn dan
dy pildnus seind / bey den zwillingē / von den selbigē hat er sich
bewegt mit seinem aigē lauff / durch dy pildnus des krebs / löwē
junctfrawē / wag vñ scorpion / ist auch möglich biß in schütze /
Ausserhalb aber des thierkraiß gegen mitternacht / ist er kumen
gar nahent zu dem grossen wagen oder Perū / darnach zu dem
hüter des wagens / zu der schlangen des schlangentragers / vnd
zum ersten ist mit im auffgangen der Drizon / vnd ein tail des
fluß Eridam.

So ist dy pildnus der zwilling zu vnsern zeyten / nach dem
obersten himel / im krebs / welcher ein hauß ist des Mons vnd
ein erhöhung Jupiters / vnd ist die Venus auch nahent bey
den hawpten der Zwilling / nach der leng gestanden / hat auch
dy erst cōiunction mit der Venus gehabt / Darumb auch des
Cometen farb sich fast genaigt hat zu weyßer farb.

Nach der Venus ist er kumen zu dem vierten schein Jouis
vñ Martis auch im krebsen / im Löwen hat er dy erst conium
ction gehabt mit dem Mercurio / nach im mit der Sonnē / vñ
dernach mit dem Mon in der Junctfrawē / hat er gehabt den
vierten schein mit dem Saturno / in der Wag dy zusammenfü
gung mit dem Jupiter / im Scorpen den gegenschein mit dem
Mars / vnd hat sich also zu tragē am 25. tag Augusti / das der
genschein des Cometen vnd Martis durch dy winckel gewe
sen ist / der Comet ist vnter gangen / vñ Mars mit dem süben
gestirn auff / hat vor hin den gantzen tag fast geregent vnd zu
nachts / nach des Cometen nidergang / oder omb dy selbig zeyt
hat sich ein solich vngewitter mit doner / plitzen vnd platzregen
erhebt / der gleichen man zu Wien in langer zeyt nit gesehenn
noch gedacht hat.

Auß disen ob erzelten zaichen / durch welche / vñ zu welchen
der Comet sich bewegt hat / sind fünff mēschliche / als zwilling

D